

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MEDICINSKA ŠKOLA ZENICA
Crkvice bb,
tel. 032 460 377
fax. 032 460 378

Djl.br. 01-895/22
Datum: 15.06.2022.

Na osnovu Uputstva o sadržini dokumentacije u provođenju procedura za prikupljanje ponuda za izvođenje školskih ekskurzija u osnovnim i srednjim školama na području Ze-do kantona broj 10-38-6757/11 od 17.03.2011.g, te Instrukcije Ministarstva za obrazovanje, nauku, kulturu i sport ZDK za organizovanje i izvođenje izleta, škola u prirodi, ekskurzija, logorovanja i drugih oblika odgojno-obrazovnog rada za učenike završnih razreda osnovnih i srednjih škola broj 10-34-12868-1-03/22 od 12.04.2022. godine, Školski odbor Medicinske škole Zenica na 40. sjednici održanoj 10.06.2022. godine, d o n o s i

ODLUKU

o objavljivanju Javnog poziva na web stranici škole za realizaciju
mature ekskurzije u Italiju – Rimini-Venecija u septembru 2022.g.

1. PREDMET JAVNOG POZIVA

Predmet Javnog poziva je prikupljanje najpovoljnije ponude za organizovanje matura ekskurzije u septembru 2022.g. u Italiju – Venezia – Rimini - Bolonja u trajanju od 7 dana (četiri polu-pansiona).

2. PRAVO UČEŠĆA

Pravo učešća imaju sve licencirane turističke agencije sa sjedištem na teritoriji Federacije BiH.

3. SADRŽAJ PONUDE

Ponuda mora sadržavati:

- a) Naziv i tačnu adresu ponuđača,
- b) Ovjerena kopija Rješenja iz sudskog registra, (ne starija od 60 dana),
- c) Ovjerena kopija ID broja poreskog obveznika,
- d) Dokaz o plaćenim porezima, uvjerenje nadležne poreske uprave, ne starije od 60 dana,
- e) Referenc-listu ponuđača, sa stvarnim brojem zaposlenika,
- f) Uvjerenje „UTA-BiH“ (Udruženja turističkih agencija BiH), da je izabrana turistička agencija verificirana za organizaciju školskih ekskurzija,
- g) Program školske ekskurzije sa tačno određenom destinacijom i cijenom aranžmana, (prijevoz i smještaj sa ishranom),
- h) Ovjerena Izjava o spremnosti osiguranja adekvatne police obaveznog međunarodnog putničkog zdravstvenog osiguranja za učesnike ekskurzije, (policu osiguranja dostavlja izabrana agencija najkasnije 24 sata prije izvođenja ekskurzije),
- i) Validan ugovor o poslovnoj saradnji i angažovanju autobusa, kao i kopija dozvole za međunarodni saobraćaj ukoliko agencija ne posjeduje autobuse,
- j) Potvrda o izvršenom periodičnom tehničkom pregledu ispravnosti autobusa, (godina proizvodnje, broj sjedišta, marka i registarski broj vozila),
- k) Dokaz o starosti vozničkih jedinica – autobusa, (ovjerene kopije saobraćajnih dozvola za autobuse kojima će se izvesti ekskurzija ili jednodnevni izlet), pri čemu će se prednost dati agencijama koje u svojoj ponudi osiguraju da starost autobusa za izvođenje višednevne ekskurzije ne prelazi 10 (deset) godina, odnosno 15 (petnaest) godina za izvođenje jednodnevnih izleta.

- l) Potvrda o zaposlenim radnicima sa M2 obrascem, koji će direktno učestvovati u realizaciji programa školske ekskurzije (referentni vodiči i licencirani vozači, ne starija od 60 dana),
m) Nacrt Ugovora o prijevozu i realizaciji utvrđenog programa školske ekskurzije,

4. KRITERIJ ZA ODABIR PONUDE

Kao kriterij za odabir ponude uzimat će se:

- cijena aranžmana sa prijevozom (4 noćenja sa polupansionom) izraženo u KM,
- smještaj – naziv hotela – broj zvjezdica,
- rokovi plaćanja aranžmana (broj rata za plaćanje, za odlazak na ekskurziju u septembru 2022. godine,
- cijena fakultativnih izleta (posjeta zabavnom parku Mirabilandia, brod u Veneciji sa taksom, disco za dvije večeri), cijena izražena u eurima,
- navesti na koji broj učenika određujete jednog nastavnika–pratioca + voda puta,
- cijena putničkog zdravstvenog osiguranja za vrijeme boravka na ekskurziji izraženo u KM,
- cijena boravišne taxe za vrijeme realizacije ekskurzije izraženo u eurima,
- dnevnice za nastavnike u pratnji i vođu puta (ovaj kriterij se ne boduje).

5. PODNOŠENJE I ROKOVI

Javni poziv turističkim agencijama bit će objavljen **17.06.2022.** godine na web stranici škole i bit će otvoren 8 dana od dana objave tj. zaključno sa **25.06.2022. do 15,00** sati.

Kovertirane ponude se predaju na protokol škole lično ili preporučenom poštom na adresu škole: Medicinska škola Zenica, Crkvice bb, 72000 Zenica. Na koverti obavezno napisati: „Odgovor na Javni poziv za realizaciju maturaške ekskurzije“, navesti adresu ponuđača i broj telefona.

Rok za dostavljanje ponuda je 8 (osam) dana od dana objave Javnog poziva.

Nepotpune i neblagovremeno prispjele ponude neće se uzimati u razmatranje.

6. ODABIR NAJPOVOLJNIJEG PONUĐAČA

Odabir najpovoljnijeg ponuđača će izvršiti Školski odbor, a Komisija koju je imenovao Školski odbor izvršit će javno otvaranje i bodovanje pristiglih ponuda u skladu sa Odlukom Školskog odbora broj: 01-367/22 od 04.03.2022.g. **Javno otvaranje ponuda** bit će organizovano **u školi u utorak 28.06.2022. u 12,00 sati**. Ovo se ujedno smatra i pozivom na javno otvaranje prispjelih ponuda.

Komisija će podnijeti izvještaj o prispjelim ponudama, na dalje postupanje, Školskom odboru.

7. OSTALE ODREDBE

Naručilac ne snosi nikakve troškove ponuđača u postupku nadmetanja. Zadržava pravo prihvatanja u cijelosti ili djelimično ugovaranje.

Zadržava pravo poništenja Javnog nadmetanja, odbijanje dijela ili svih prispjelih ponuda prije sklapanja pismenih Ugovora bez snošenja ikakve odgovornosti ponuđačima i bez obaveze objašnjavanja razloga postupanja.

Napomena: OSIGURANJE NOVČANIH SREDSTAVA

Sva sredstva za plaćanje realizacije ekskurzije u potpunosti, u svim gore navedenim elementima snose učenici, odnosno njihovi roditelji. Plaćanje će se vršiti uz prisustvo učenika i razrednih starješina, a prema broju rata, dogovorenim iznosima za ratu kao i dinamici dogovorenih termina za rate. Škola ne snosi nikakve obaveze u bilo kakvom obliku plaćanja.

Sve dodatne informacije vezano za javni poziv mogu se dobiti putem telefona: 032 460 377.

Predsjednik Školskog odbora

Kruno Suljo, nast.

